



LIBER III.

ANULARIUS LAPIS.

SIVE,

SICILIA TOTIUS ORBIS
Terrarum Gemma,

CAROLI II. HISPANIARUM REGIS
Digito Digna.

O D E I.

Nondum rotantem spicula viderat
Crete Dianam ; nec Semeleius
Aut lyncas in Naxon Thyoneus,
Aut bijuges Erycina cynos,
In hospitem pepulerat Paphon :
Cum jam curuli vecta diu CERES
Plumâ cerastarum ferebat
Trinacriis sua jura campis.
Tum sic , marito cum Venetam sibi
Neptunus urbem posceret anulo,
Saturnus affari puellam
Ut perhibent monumenta saxis

Ln-

Incisa; cœpit. Pulchra Jovis soror,
 Meumque pignus, Diva? Vel Appulus,
 Vel te Canopeis arator
 Niliacus veneretur aris;
 Cave ficanam Linquere regiam.
 Decet, paternam cui dedimus plagæ
 Servare falcem, te laborum
 Artificem dare velle dextram.
 Scrutare terras in teretem globum,
 Torquemque ductas: si ferat ANULI
 Dotalis Orbem curva moles;
 Sicaniam speculata sedem,
 GEMMAM putabis? quam vel inhospitam
 Dedit rapinis provida Brutiis
 Cum vellit è saxis propinquo
 SCYLLA freto; restuasque jussit
 Latrare spumas; ne violabilis
 Pateret alnis. Tum quoque lividum
 Natura nocturnis in hostem
 Excubijs rubefecit ÆTNAM.
 Scit hæc, protervum si videat semel
 Nefas patrari, contremere omnibus
 Jugisque, sylvisque, & profundis
 ENCELADI reboare fibris.
 Donec revulso viscere flammeas
 Armet procellas dissilientibus
 In tela saxis; & CYCLOPES
 Cogat atrox furiare bellum.
 Circum Triquetram Dorida pervigil
 Figet timendas Æolus insulas

Merfurus audaces liburnas,
 Siqua dolum meditetur Argo.
 Nerea proles interea teget
 Vicina ponti saxa coralliis ;
 Quamvis reformidet Gigantis
 Piniferi GALATHEA fraudes :
 Et per tumentem vorticibus Therin
 Cuniculosi vecta canalibus
 Declinet ALPHEI sequacis
 Undivagos ARETHUSA raptus
 Munit Sicanam deinde plagam triplex
 Instar tridentis fulminei latus
 Belloque conjurata cum LÆ-
 STRIGONIS CAMARINA turmis,
 Invita avaro remige trajici,
 Cum tacta scdam cominus evomat
 Latè mephitim , quæ procacem
 Exitio populetur hostem.
 Sic tuta Tellus Gemmea furibus
 Intaminatam civibus educat
 Ubique gazam. Scinde rupes,
 Invenies maculosa stellis,
 Auroque , saxi fulgura : divites
 Hic & smaragdos , & viridi leges
 Nitore beryllos , litumque
 Purpureis amethyston undis.
 Vel ipsa scenis versicoloribus
 Trudunt Achaten flumina , cui suum
 Dedere nomen : quippe norunt
 In radios glaciare lymphas.

At quàm metalli multiplicis ferax

Est ima glebis vena ? Vel aureo

Cratere flavescet PANORMUS,

Hesperidum paritura sylvas

Quas fulva ditant mala , sequacibus

Carpenda ramis : nam , vigilem licet

Sinu coërcebit Draconem,

Innocuos feret ille morsus.

Linet coruscos Oarion lares

Theatra ZANCLÆ cominus igneis

Ultro coronaturus astris,

Quà gemino dabit amne pugna

Spectacula Nerèus : Zanclias hìc suas

Educet imo è gurgite belluas

Charybdis , obfessura naves,

Aut pugiles sine lege phocas.

Miraris uber fertilis areæ,

Quod sortiuntur pingue Paliliis

MYLÆ ? Saginandum Phlegontera,

Et viduum Pyroenta frœnis

Huc sæpe ducet fœllus anhelitu,

Cursuque Titan. Testis erit Thetis

Visura labentem quadrigam , &

Penè fimi glaciale fulgur.

Lyæus urbem , qua Cyane fluit ;

Pomona lucos , quos CATANÆ sacros

Curvabit autumnus ; solutis

Florâ comis hilarabit HYBLAM.

Non hìc ELORO Theffala præferet

Tempe Priapus : non Ephesum suo

Fonti verecundo Diana,
 Qui Cyprîâ semel haustus urnâ
 Nescit Falerno mergere virginis
 Crystalla lymphæ. Nulla foret Jovis,
 Vel ira bellantis Gradivi,
 Ni steropes, sociusque Brontes
 Huic fabra quondam pila Typhoëos
 Ferrent caninis, cumque ocreis novos
 Thoracas; illi sulphuratâ
 Sufficerent grave fulmen Ætnâ
 Hic concinentem sapius audiet
 Apollo Daphnim tum liquor **HIRMINI**
 Ad pleetra festinabit aures,
 Finitima saliente lauru.
 Vehère plaustris interea fatas
 Messura fuges, quâ **GELA** Romulam.
 Prospectat annonam, & retusam
 Gaudet **ERYX** onerare falcem.
 Quâ fervet **ENNÆ** fertilioribus
 Tritura culmis, & **Libycos** vocat
SYMETHUS in certamen agros,
 Triticeo tumefactus auro.
 Tuis nivofam fascibus insulam
 Sternet **NEBRODES**, spumeus ostrea
PELORUS, Hyblæos **PACHYNI**
 Saxa favos, **LILYBEQUE** palmas.
 Te pronus **ACIS**, te vitreo vocat
CRIMISTUS alveo: te **CEPHALEDI**
 Suspirat acclinata rupes,
 Et famulis **AGATHYRSUS** umbram,
 Ne

Ne Creta centum gaudeat oppidis
 Vallare frontem : Trinacrium latus
 Hinc , & tricenis inde fultum
 Urbibus , innumerique pictum
 Pagi coronâ suspicies. Tuis
 Sublimè fanis figet eburneas
 Temone suspensò curules
 Urbs AGRAGAS modulanda Graiis
 Affine Pœno jam DREPANUM salo ,
 Coralliorum sepe tricuspitem
 Nerei coronabit tridentem ;
 Teque , suis Panopea , thynniss.
 Cur aut nivali præteream jugo
 Senile NETUM , aut duplicis HIMERÆ
 THERMAS locupletes tributo ,
 Aut gelidas HIERONIS arces ?
 Non Archimedis quadruplicem suo
 Vel ipsa Memphis barbara patriam
 Nilo coërcebit : per immensam
 Illa feret diadema molem ,
 Graiunq; Martem franget , & Italas
 Terrebit alnos. Quin ubi Punicis
 Exurget irritata turmis ,
 Marmaricas mutilabit hastas.
 Nam quæ Sicanis fulmina civibus
 Negabit ardor bellicus ingenti ,
 Æquè ac triumphalis Minervæ ,
 Laurigeri sitiens Gradiui ?
 Ubique palmas dives humus feret ,
 Ubique laurus. In lituos Lyrae

Plerumque decedent; eritque
 Mars sapiens, cataphracta Clio.
 Quid plura Vates præsciis eloquar?
 Fruere GEMMA, quam tibi nec Jovis
 Fraternal divellet cupido,
 Nec stygio gravis ære Pluton.
 Quamvis adultam, cum violas leger,
 Fuliginosus prædo Proserpinam
 Furetur, anfractus per imos
 Ad Siculam properatus ENNAM;
 Ne luctuosum quæso tamen feras
 Invita fatum, filia; neu tuum
 Scruteris errabunda pignus.
 Tænarios reget illa Manes,
 Plutonis uxor. Quin potius cave,
 Ne, cum relicto conjuge Thracias
 Armabit ad bellum carinas,
 Trinacrias tibi lædat urbes.

ORION GLADIO
 EXARMATUS.

Sive,

D. IGNATIUS LOJOLA
 AD MAGNÆ MATRIS
 aram enses affigens.

ODE II.

O, Cui militat igneis
 Nunquam pigra cohors ludere spiculis,
 Di-

Divûm Diva , tuo vover
 Nuper fulmineum Martis Iberici
 Alcides GLADIUM tholo ,
 Post pulsa armigeræ pila Druentiaë.
 At non degener id metus ,
 Vel suasit fatuæ languor inertiaë :
 Palmam nescio quam litit ,
 Quæ sit Cantabricâ major adoreâ.
 Jamque in prælia Romulas
 Attriturus opes Rhenus inhorruit ,
 Dum pulchro refugam jugo
 Arctos sponte comam subtrahit Albulâ.
 Est telis potioribus
 Hic armandus eques. prome adamantinum,
 Expertemque rubiginis
 Infanæ chalybem Diva ; vel aureum ,
 Quo fretus Madianicos
 Umbones Gedeon fregit , acinacem.
 Nunc nunc æthereo fibras
 Transfixus jaculo flagitat hostium
 Enervare proterviam
 Miles Romuleæ signifer infulæ.
 Cui si nudus ORIONIS
 MUCRO consuleret ; num melius suam
 Possêt figere lucidam ,
 Quam sub Virgineo fidere , cuspidem ?

* * *

APO-

 APOLOGIA TEMPORIS

Sibi illatas ab improbis calumnias,
 justa quidem querimoniâ,
 diluentis.

AD AMBROSIUM SATURNINUM.

O D E III.

POLLUI probris licet innocentem
 Orbitam Solis, vigilisque scenæ
 Dædalos cursus, agitante dextrâ
 Cœlitem molem?

Sic perorabat modo flentis ÆVI,
 AMBROSI, vulnus. Quòd inops inertis
 Otij partas genitore motu

Sortiar alas,

Provocat Diris? simulant fugacem
 Esse Saturnum, cui sint volucres
 Milvij dorso, solidoque fusi ex
 Ære molares.

Ferream sceptri vice mentiuntur
 Erigi dextrâ quatiente falcem,
 Quæ fecet myrtos, & opaca magnis
 Brachia cedris.

Tortili morsu religante caudam
 Fingor, ut serpens: potiore forsan

Sym-

Symbolo dignum , poteram recurvo

Prodier auro.

Prædo prætextæ puerilis ostro

Dives appellor , caries juventæ,

Et pruinosus cinis in seniles

Profluus annos.

Helluo rerum , Libitina laudum ,

Prodromus fati , furiale virus

Gaudij , currus vocor , & vagantum ar-

riga laborum,

Heu luto fictum genus , & cerebri

Pinguis hæredes ? Pyroënta vultis

Ut jugo solvam : profugisque sistam

Flamina seclis.

Annua votis : sed hyems tepenti

Nesciat pelli Zephyro ; nec æstas

Cedat autumnno ; glaciem vel ignes

Torqueat æther.

Non Eleusinis adolescat agris

Creditum semen ; nec amicus ulmis

Bacchus irrepit , liquidoque pingat

Murice botros.

Nullus excudat simulacra Divûm

Phidias : nullus rate metiatur

Adriam Tiphys : rota nulla segnes

Findat arenas.

Nemo vitalem bibat usque , & usque

Spiritum ; pictis nec oberret agris.

Nemo non sese putet esse fixo in

Stipite funus.

Displicent fata hæc , simul ipse terris
Cederem , stultis subeunda votis.

Et tamen nostro pluvias queruntur
Turbine rugas.

Vultis æternis fruticare lustris?

Quodque Naturæ vetuere leges,

Vultis æternas fore non caducis
Ædibus urbes?

Ferte curvatis humeris perennem

Ismari molem , residemque totis

Artubus brumam , quatiente lævo
Poplite fratrem.

Ferte decussos senio molares ,

Et procellosæ decumana tuffis ;

Nec relaxanda è tumidis podagræ
Vincula plantis.

Iusta vivendi series supremam

Transgredi metam refugit , migrandum est

Cuique ; cum iustos sibi jam peregit
Clepsidra Soles.

Scindor Harpyis tamen , execratas

Quòd veham terris hyemes , & ustos

Sirio menses : cupiunt perennes

Surgere Majos.

At satur nunquam foret imbre campus ;

Nec coqui possent fata. Quas December

Irrigat fruges , tenero saginat

Julius auro.

Jam patent fraudes , petiere veris

Non anhelatos Procyone menses ;

Quò

Quò magis tellus foret ad Gradivì
Commoda ludos.

Floreos ergo juvenilis anni
Flagitant gressus , ut aratra ducat
Per triumphatas furibunda Martis

Dextera turres ;

Cùm suburbanos populata sulcos ,
Fumeà pressit Cererem favillâ ,

Inde captivis trepidare jussit

Flumina ripis ?

Gentis heu stultæ vitio , recusum

Cogimur ferro tolerare nomen ;

Cùm Tagus nostras satiari auro

Divite venas.

Cogimur fessis per humum cothurnis

Ire , tam densas tulit illa clades.

Quælibet gestat malè decolorem

Cynthia frontem.

Me Bias lino cohibente ranas ,

Spiculo Cæsar fodiente muscas ,

Hartabus vexat jugulante captis

Vimine talpas.

Nemo non ludis , choreisque segnes

Obruit soles. numerantur umbræ ,

Queis super mensas videat redux Au-

rora lucernas.

O quis æterni speculator ÆVI

Vivat , ut fari queat hæc , propinqui

Fulmen ad fati ! Mihi nunc sodales

Plaudite , VIXI.

JACULA LAUREATA.

Sive,

**De multiplici AMORIS DIVINI
VICTORIA NUNCIUS.**

**AD P. JOSEPHUM LAURIAM
Societ. JESU,**

*Drepanitani Collegij Rectorem, quem
olim in Philosophia, ac Theologia
studiis Ducem habuit Vates.*

O D E IV.

SAT vel Stagiræ; vel sapientiæ
Sublimiori viximus. hospitem
Nunc sub Cythæronis myricâ
Posco larem, tenuemque cultum.
Non, si recusem Palladium Sophos,
JOSEPHE, & alti stemmata nominis.
Frons nuda sero est. Cuspidatis,
Ceu Meroë pharetrata, septam
Telis coronam fulcio crinibus.
Tonantis hæc sunt spicula, bellicis
Implexa lauris, post adeptam
Multiplicem domito orbe palmam.

Au-

Augustioris præco potentia,
 Ni fallor, adsum. Jam vigil in tubam
 Testudo cessit nunc trophæa
 Quæ reperam, perarabis auro.
 Ubique fixit Numen, & omnibus
 Vexilla lustris: huic rutilas dedit
 Chiron sagittas; huic Orion
 Ignivomum properavit enssem,
 Prior Tonantis gloria dexteræ
 Fregit vetustæ colla superbæ,
 Luctantis affectare summam
 Trans apices Aquilonis aulam.
 Tum visa pubes Martia lucidis
 Fixisse pilis monstra volubiles
 Indura spiras; quæ latratus
 Icario simulatus igni,
 Leoque fulvis terruit unguibus:
 Donec coruscis pulsa novalibus
 Latè cruentarunt resectas
 Sub piceo Phlegetonte cristas.
 Dein fractus hydræ livor, ubi dolis
 Obsedit Evam: sed malè credidit
 Rictus cerastarum: & premenda
 Virgineis aconita plantis.
 Non sic Erythræ est merfa rubentibus
 Hastata memphis fluctibus, ut Stygis
 Satelles, enervesque turmæ
 Nazareis periere rivis.
 Trunci trabalis fixus Amor toro
 Lethæa vicit pila Proserpinæ,

Parcaſque , Ditemque ; & Charontis
 Lucifugam tremefecit alnum.
 Tum lapſa Cælo ſpes adamantinis
 Adulta ſeculis , terrigenis putres
 Evertit , æternaſque fovit
 Auspicio potiore curas.
 Occulta regum gaza fuit jubâ
 Thorax equinâ textus ; & aureæ
 Qui pellat accessum coronæ ,
 Vulnifico paliurus hamo.
 Quocunque faſces , & trabeam foro
 Aſtræa fixit : nec venerabiles
 Inter catapraetam Gradivi
 Sævitiâ filuere leges ,
 At non , Enyo ſiqua ferox Jovena
 Deûmque turpes extulit infulas ,
 Intaminatis pulſa ceſſit
 Relligio ſolymæa fanis.
 Fruſtra bipennes in Latiam fidem
 Uncique morſus , & radios rotæ ,
 Feraſque , ſaxorumque nimbos ,
 Et ſiculi bovis æra prompſit
 Neronianæ pulpa ferociæ.
 Vicere Divi ſuſpicientium
 Vulgus tyrannorum recenti
 Cæde rubras viruiſſe palmas.
 Cùm nulla torvam ſica ſatellitum
 Armavit iram ; non procul abſuit ,
 Quæ fregit Heroum lacertos
 Sanguineis Metanora flagris.

Quà vergit Arctos, quaque fremit Notus,
 Eurusque, & Afri terror anhelitus,
 Ludo triumphalis palæstræ
 Vidimus emicuisse laurus;
 Passimque fractam flere Cytheridem
 Hinc, & revulsis inde curulium
 Pennis columbarum; & profani
 Seminecem sine crine luxus
 Jacere fastum. Vidimus aureos
 Fumare torques, & Babyloniam
 Mergi paventem luctuosis
 Gurgitibus fluitare gazam.
 Hinc auspiciatis Relligio rotis
 Morum nivalem duxit adorem,
 Torvasque Plutoni secures
 Edomuit volitante ihedâ.
 Adhuc ruinæ pondus, & ungulam
 Temonis horret Tænarus. Ut latrat!
 Hydraeque, compellitque Diras
 Succiduis ululare spiris!
 JOSEPHE, pauca hæc. pauca etiam cani
 Trophæa laudum debita Numini
 Possent; fatigaturus Austros
 Præco licet foret ipse Stentor.

): (o) : (

SCYLLÆ

SCYLLÆ LATRATUS.

Sive,

Pravæ conscientiæ supplicium.

AD HELIODORUM FUSCUM.

O D E V.

CUR rerum mediâ tecum ululas, FUSCE,
malaciâ;

Tanquam si fatuâ nube ruens turbo liburnicam
In syrtes ageret? parce metu, contudit Æolum,
Quæ fortuna tuis stravit aquis halcionum dies.
Quàm nil læta juvant, cum Siculo deterior
freto

Intus culpa tonat! vel Tyriis Morphea stragulis,

Et Pelusiacas mordet opes. nil adamantinum
Injecisse juvat vulnificis faucibus objicem;
Quo rictum reprimat. Turpè furit, seque minax petit;

Ultrix nempe sui est. Cum jugulum non habeat, latrat;

Et cum sit geminis capta oculis, è gemitu patet.

NAVIS

NAVIS INCENDIARIA.
Sive,

CONCHA VENERIS terrarum
Orbem incendens.

O D E VI.

UTcunque vatum concilio pedem,
Jubente Phœbo, fiximus; eloquar
Quod erubescendam Camœnis
Incutiat, solioque Pindi
Labem pudoris. Vincustus aheneâ
Cur heu Prometheus compede plectitur,
Diræ immolaturus volucris
Extâ suis rediviva fibris?
Exasperatum forte rear Jovem,
Quòd ausus astris innocuâ manu
Auferre fulgorem favillæ,
Quâ luteos animaret artus?
At sæva nullam fert Nemefim Venus,
Quamvis ab imo Dite revellerit
Vectes Vesevis, & profanâ
Diluvie tumularit Orbem.
Quin illa canis edita fluctibus,
Nè peccet igni, creditur; & sinu
Adultâ spumarum, per undas
Ceruleâ fluitare **CONCHA;**

H

Cui

Cui blanda figant oscula Gratia,
 Retroque risus, atque hilares joci, &
 Lenes Voluptatum choreæ
 Obsequium famulare solvant.
 Tum compta rubris saxa coralliis,
 Motæque plausis portubus insulæ,
 Visæque subsultare phocæ
 Ad liquidum modulamen undæ.
 Heu fabulosæ lora licentiæ
 Coërceantur. Siccine consulit
 Larvata fuligo pudoris
 Ingenio, aurifluamque venam
 Poscentis ævi? Cyprida flammeis
 Vagisse cunis constat, & horridas
 Inter chelydronum papillas
 Gorgoneum rapuisse virus;
 Exinde fractâ jam Styge, Cyprios
 Tranasse fluctus: donec in omnium
 Tractus arenarum propinquam,
 Quâ Paphiam jacularet Ætnam,
 Egit carinam. Mitius impulit,
 Urgente dextram patris adorea,
 Auriga demens, trans meatus
 Æthereos Pyroëntis axem,
 Læsitque Divûm limina; quàm Venus
 Adusis Orbem. Tantalus Ilion,
 Haud hostis effracto revellit
 Cardine, supposuitque tedas.
 Briseis Argos, Itala Punicas
 Pellex catervas, & juga Phocidos

Fatale succussit Theano
 Belligeris male rapta thebis.
 Nondum liquentes Theſſala fregerat
 Pinus procellas ; nec per Atlanticam
 Audax Columbus Amphitritea
 Irruerat : tamen irrepertas
 Urbesque , & altas Idalis inſulas
 Afflarat alnus, fumca ferbuit
 Arctosque , Nilusque , & remoti
 Cum Zephiri lare , himen Euri.
 Adhuc venenum gliſcit , & obvio
 Inſerpit æſtu. Mars Venerem iuvat
 Tritti ſaginandam favillâ ,
 Fulminei per hiulca belli.
 Neſſus ſagitâ ſternitur ; Hercules
 Flagrantis Oetæ procubuit pyrâ ;
 Suiſque terretur cruentis
 Deiphobi levis umbra plagis.
 Infamat ultro Leucadis aſperum
 Sappho cacumen : Belias Ilium
 Immergit in venas mucronem , &
 Pyrrhus ob Hermionen propinquas
 Inceſtat aras. Jam fatuo Venus
 Nupſit Gradivo : cui Cythereium
 Dotale veſtigal marito
 Bella toro , peperitque cædes.
 Quin & Lyæus forte Cytheridem
 Complexus , inter Baſſaridum choros ,
 Uvaſque , Nyſeumque faſtum , &
 Pampineas calefecit haſtas.

Illi volutes in pharetræ minas
 Apollo crinem vertit ; & aureo
 Illapsus imbri per rubentem
 Jupiter Hydrochoum , Dionem
 Sensit tonantem. Sub rutilâ later
 Dolus procellâ. Fulvus agit fragor
 Ubique cladem ; quâ putrescant
 Lilia Parthenijque veris
 Adulta Cœlo germina. Proh furor
 Bacchantis Orci ! Nunc age lacteum,
 ☉ Diva stellarum choreis
 Nacta comam , implicitasque furas,
 Inverge rorem. Secula fumeas
 Agant quadrigas ? Flagret adultera
 Tellus , profanatique fluctus
 Idalio famulentur igni ?

AD ADIANTUM,
 Ut CHRISTI INFANTIS PRÆSEPE,
 Quod VATES artificio pumicum
 structura , rivo inter saxa
 dilabente , condiderat,
 obumbraret.

O D E VII.

MUscosa pluma fontium , crystallinos
 Inter adulta toros ,
 Et fluminum crepidines ;

RA-

Ruris venustas, Nairadum smaragdinis
Pendula vitta comis,

Vernansque tophis bractea;

Utcunque fulci brachiis corallij

Explicuisse iuvat

Dotale vellus crinium;

BETHLÆA te vult Dædali Vatis SPECUS;

Quà docet exiguum

Plorare NUMEN pumices.

Huc delicati caudicis ferruginem,

Nec sine fronde caput

Flexamque ducas infulam.

Tuâ puellus vagiens umbrâ potest

Conciliare suis

Longum soporem palpebris.

Sic nec comati sauciet fastus mitram

Turgida bruma Notis :

Nec lædat igni Sirius.

At si Tonantis lactei fletum biberet ;

Frons tibi picta novis

Pubescet unionibus.



H 3

PA-

PANORMÆA HUMANI
VULTUS ICON,

*In suburbanis rupibus usque ad sum-
mum artis apicem naturaliter
expressa,*

Quam, veluti PANORMITANÆ
HUMANITATIS indicem,
Vates agnoscit.

In gratiam Illustrissimi Dom.

D. PETRI DE CASTILLO
Marchionis S. ISIDORI.

O D E VIII.

Quisquis huc curvâ veheris liburnâ,
Hospes ERCTÆÆ speculator URBIS.
Quæ sibi vinxit siculam decorâ
Fronte tiamam,

Parce siccanam stupuisse Memphim
Astra turrinis humeris, & alto
Crine lambentem. Potiora fert spe-
ctacula campus.

In suburbanam tumuisse visus
Montium scenam, suus hic inhæret
Spiritus saxi, animante miram
Rupe Figuram.

Atti-

Atticæ nondum simulacra Divæ
 Phidias fuso solidarat auro:
 Nec Myron vaccæ prope mugientem ex-
 presserat iram:

Scalpserrat molem tamen hanc jocosæ
 Dextra Naturæ: rudibusque sensim
 Artubus mollem dederat reciso è
 Pumice vultum.

Flecte quâ signat tibi collis Austros,
 Flecte palpebras: patefacta fabros
 Inter anfractus juvenilis Umbræ oc-
 curret Imago.

Arduus canas, viden, ut pruinas
 Dividat vertex? ut agat retrorsum
 Pensiles, juxta fruticante collum
 Cespite, crines?

Compta majestas Jove gratiorem
 Explicat frontem. Charis ipsa blandis
 Excubat malis, tenerumque vibrat
 Lumine sidus.

Tetricas inter generata cautes
 Ridet; elinguem fuge suspicari:
 Cominus notis solet alloquentum
 Vocibus uti.

Tam verecundi tamen est pudoris
 Pertinax, ut se refugâ seorsum
 Subtrahat formâ; det amica siquis
 Oscula clivis.

Eminus nosci cupit: ad propinquos
 Fiet obrutus salebrosa rupes,

Quæ Polycleti simulacra nuper
Vicerat ICON.

Saxei fastus humilem galerum
Respuit cervix : redimitur astris.

Quæ renodatos Ariadna circum-
flexit in Orbes.

Tacta stellantis thiaso corollæ
Durat Arctoum Boreæ fragorem;
Nec pavet fronti pluvias senili
Pondere rugas :

Calluit nimbis facies : per omnem
Floruit vellus juvenile brumam,
Et fluens nunquam volitavit Euri ad
Flabra capillus.

Siste : nec jussum prius è carinâ
Efferas gressum , tibi quam salutem
Annuat. Novit caput hospitali
Flectere ritu.

Quin ORETEAM tibi pandit arcem,
Teque longinquâ comitatur umbrâ :
Neve , te ludat , fugiatque perstat
Semper ibidem.

Quos PANORMÆIS placuisse credas
Civibus mores , facilesque vultus ;
Cum vel Humanos quoque sortiantur
Marmoræ sensus ?

* * *
* * *

TUR-

TURTURIS GEMITUS

In funere P. STEPH. TURTURETI,
Societ. JESU,

Rectoris olim Collegij Messanensis.

O D E IX.

FUSas Caystii margine candidas
Odi querelas, perque comantium
Opaca sylvarum theatra,
Exiguo modulata rostro
Thresæ volucris carmina. Me suo,
Me TURTUR udo mulcet anhelitu.
Fleturus incassum supremam,
Quam fugiet redivivus, urnam.
Nam, quâ Pelori sylva cupressinam
Heu TURTURETI Manibus extulit
Umbramque, luctantemque cono
Pyramidem superare nubes,
Errabat ales, præfica naniæ,
Quæ confluentium examen Orcadum
Scyllæque latratum coëgit
In querulos abijisse luctus.
Jam jamque murmur flebile sic piâ
Confudit irâ. Nullane corrigit
Habena Parcas? Nulla torvam
Exagitat Metanœa Lethen?

Inexpiatas haud Neimesim pudet
 Perferre labes ? sæviit Atropos,
 Meumque deletura fidus

In STEPHANUM Libitina tristem
 Contorsit haltam. Debuerat tamen
 Sopire vestram fata proterviam,
 Fulmenque vates suctus olim
 Ismariâ cecinisse buxo,
 Nexamque fronti ducere lauream.
 Quamvis soluta compede Phocidos,
 Sublimè molitus loquelam,
 Aurifluis pluit ore nimbis.
 Ille eruditis fervere jurgiis
 Solerter audax, crevit in exedram
 Atlas Stagiræ, donec altam
 Inferuit super alstra frontem,
 Puraque lucis fulgure compulit
 Sacer Promethæus vivere Palladem.
 At nunc sepulchrali feretro
 Funeream bibit ille noctem.
 Astræa libram num quatit, & suam
 Themis tiaram ? ne, precor, uvidos
 Augere fletus : nil moratur
 Exanimis mea cura questus
 Sat ille mitem sedulus imperi
 Tractare clavum, prætulit æmulum
 Lenimen, Ignatiq̃ue Patris
 Effigiem, facilemque risum.
 Severioris legibus eloqui
 Insudit Hyblam, pronus in omnium

Abire complexus , & uni-
 cuique sagax abolere curas.
 Proh quantus Heros , nec penitus suū
 Compos pependit Numinis osculo !
 Divina sortitum putares
 Conjugia , æthereasque magni
 Tedas Amoris. Testis ab aureâ
 Collecta morum dote modestia , &
 Vivax verecundi pudoris
 Virgineo satus ore fulgor.
 Nunc pallet eheu , saucius algidâ
 Pallet sagittâ. Quid loquor ? induit
 Mors sola pallorem , suosque i-
 rata graves malè fregit arcus.
 Non , fulta dorso nubis , & igneo
 Temone Divûm , turpiter occidet
 Virtus , coronatum clientem
 Quæ niveis jubet ire bigis ,
 Sistitque Cœlo. Quò raptor , vagâ
 Ferorque plumâ ? cedite faucii
 Luctusque , mœroresque. moris
 In numetum tonat Æthra stellis.
 Hæc dum canebat rustica funebri
 Siren Camœnâ , visa flagrantibus
 Ardere guttis , & suo Thau-
 mantida sustinuisse collo ,
 Pictumque flammis vertice Phosphoron
 Mox innocentes in liquidum æthera
 Deflexit alas , sic cupressus
 Deseruit cubitura palmis.

HASTILUDIUM
FORTUNÆ, ET PATIENTIÆ.

AD CAROLUM FULICAPRUM.

O D E X.

Hic, compeſce metum CAROLE, luditur.

Est orbis teretem flexus in anulum,
Fortunæ potior meta cupidinum,
Hastarumque volantium.

Seu laxet niveis sola jugalibus,
Seu ferrugineum torqueat effedum;
Nonnunquam dubiâ cessat in aleâ
Prisco fervere ludicro.

His frangit lituos : his Tyrianthinam
Incussâ laniat cuspide sarcinam.

His convellit opes, & Priameio
Ductum stemmate sanguinem.

Tecum forte diu lusit, & imparem
Afflixit sabulo; surge, nec indolem
Imbellem simules; quam tibi præbuit
Virtus, fume superbiam.

Hastæque, & clypeo vis Patientiæ
Armari docilis terruit eminus
Hostilem fremitum, cominus irritos
Fati reppulit impetus.

Fias turbineæ meta phalaricæ,
Ictum discutiet frons generosior.

Nullò

Nullo palma deest pulvere, quo viret
 Possē, & velle magis pati.
 Si Fortuna tuis nobilis imperi
 Dotalem digitis inferat anulum;
 Nupturam trabeis subtrahe, quam modo
 Pressas vomere, dexteram.
 Proscissurus humum paupere sarculo,
 Quam frontis lacryma sapius irriges,
 Ridebis veterum sceptrā Quiritina,
 Stultæ ludibrium Deæ;
 Quod solvas valido forte bovi iugum,
 Fortunæ injicito. ludere destinet;
 Quamvis pro stimulo fortiter urgeas
 Victæ fragmina lanceæ.

UNIO NEQUAQUAM

TACTUS IGNE, SED RORE.

Sive,

VIRGINEI CONCEPTUS
 innocentia.

ODE XI.

MUta Pompeii simulacra læves
 Asperent bacca? Latias secures
 Et profanatas Erythræa pingat
 Gemma tiaras?
 Horruit fuscum vitio nivalis
 Calculus factum. decet innocentis

Ingeni cultum , vacuumque labis
Unio frontem.

Ille nec tristem bibit è trifulcâ
Fulminum caudâ maculam , nec atræ
Nubis afflamen , quod inaurat albis
Vulnera conchis.

Rore gemmascit , tenerumque risum
Debet Auroræ lacrymis ; sinistrum
Respuit , nullo temeratus astri
Crine , ruborem ;

Ergo te poscit , niveasque cunas
Lac Erythrææ solidum papillæ,
VIRGO ; cui purum maculâ recudit
Fabra Tonantis

Cura vagitum , radiisque primos
Imbuit soles. Tibi nunc choreas
Inter astrorum , sine Diva lambat
Bacca capillos.

LÆLIUS CHRISTIANUS
AMICITIÆ FINES AD ARAS
usque decernens.

O D E XII.

Quemlibet fidum Pyladem lacertis
Arctius stringas licet , ilicetum
Quam premat smilax , vel adunca nodes
Fibula gemmam ;

Ne

Ne ramen laxos sine pulchrioris
 Vinculi morsus, quibus aut Honesti
 Cultus, aut Divûm pietas avito
 Nescitur auro.

Trans sibi fixos Amor Evagatus
 Cœlitum fines, ruit instar amnis
 Haud coërcentis tumefacta notis
 Cornua ripis.

Clauderet vellem geminos ahenus
 Carcer, in charum quoties sodalem
 Bruma fortunæ tonuit, sed inter
 Fulmina laurum

Nesciam labis, vitiique servet
 Cauta libertas animi. Pericles
 Respuit fœdus sociale sufful-
 cire piaclo.

Dulcè conspirant Amor, & severis
 Fascibus Recti famulare votum.
 Pectus infidum superis tricenos
 Fallit Orestes.

Mulciber quamvis geminos in unum
 Conset, averfas nisi flectat astris
 Ille cervices; opus omne tacto
 Disfluet igni.

Ut suas callent elementa metas;
 Nec Thetis iussam sibi vellit algam;
 Nec peregrinis equitare norunt
 Sidera claustris;

Sic AMICORUM genialis ardor,
 Quò salutari caleat favillâ,

Fas inoffensum colat, hisque figat
Oscula curis.

Has coronandas adamante leges
LÆLIUS postquam tulit, auspicatum
Poplitem flexit, digitoque sacras
Attigit Aras.

SIGNUM VIRGINIS

INTER LEONEM, AC LIBRAM.

Sive,

Imago Pudicitiae.

O D E XIII.

Hic penicillum frangat, & aucupes
Uvas volantum Zeuxis aëdonum;
Nec curet æternis Dionen
Cous honos dare velle iustis.
Apelle culto cultior artifex
Natura, Cælo VIRGINIS Iconem
Pulchrâ coronatam favillâ
Dædaleis animavit astris.
Vultus pruinâ subdidit arbitro
Pudoris ostro, labra modestiæ;
Comæque depexæ flagrantem
Implicuit radiis procellam.
Viam cothurno sospite lacteam
Stravit secandam: nec viduum latus

Cu-

Custode, si veller vagari,
 Deseruit, famuloque cœtu.

Hinc purpuratâ conspicuum jubâ,
 Fixit LEONEM, qui Paphiam facem

Terreret; hinc stellantis Æqui
 Stemmata; finitimamque LIBRAM.

At hæc imago, sapius aureis
 Refixa valvis, Partheniæ subit

Vultum juventæ; si pudicâ
 Noverit evigilare tedâ

Castique largum sanguinis exprimat
 Genis ruborem; nec nisi liliis;

Albisque contextum ligustris
 Carpat iter metuente gressu

Dolos rosarum. Vis Cythereiam
 Fractura pulchro Marte licentiam

Absolvit invicti LEONIS

Excubias; Trutinæque pondus
 Dotale supplet sollicitus pudor;

Cui, ne quid unquam libra supercili
 Peccet, cavendum; neve clausos

Transiliat vaga cura fines.

En, quò supernis concolor ignibus
 Pictura terris afforet, & suam

Quisquis decentem penicillo
 Multiplici lineret tabellam,

Quot promptis artes Virgineus labor!
 Pars è nivali frigore; pars rapit

E calce cerussam; cruento

Pars potior rubefacta tergo

Furatur ostrum ; pars tenuissimo
 Pallet salino , luce carentium
 Pars clausa fylvarum tenebris
 Artifices meditatur umbras,
 Hic pro peritâ cuspide , veprium
 Exerget hamos ; ille coloribus
 Densum liquefacturus aurum ,
 Cote suum terit usque pectus.
 Est quæ secandas , ne tabulæ tumor
 Porrectus obsit , Diva tenerrimas
 Tradat papillas ? quæque fossis
 Luminibus velit esse vivax
 Amoris Icon. ardeat , ardeat
 Quisquis coruscæ stemmata VIRGINIS
 Referre , Divinique gaudet
 Parrhasii simulare dextram.

S I M I Æ P R O L E M
SUFFOCANTIS AMPLEXUS.

Perniciosæ parentum in filios
 indulgentiæ symbolum.

AD MARCUM TANCRE DINUM.

O D E X I V.

PULLIS , MARCE , tuis fat est
 Arrisisse semel. Nuda Laconicis
 Indulgentia fibulis
 Dissolvit teneræ lora puertia.

Laxus

Laxus marcer Amor ; rosis
 Si consanguineos vellat aculeos.
Cui thoraca adamantinum,
 Aut squamis rutilas iucoquis ocreas,
Si languet Tyrianthinis
 Acclinis puerum tibia stragulis?
Tractabit galeam manus
 Gemmatis patiens urier anulis?
Gradivi strepitum feret
 Auris pensilibus nupta coralliis?
Fractus deliciis puer,
 Quid non molle statim junior audeat?
Imbelles alimus Phryges,
 Rapturos Helenas ; si vel Ionicam
Infans sudet ad exedram,
 Vel culto referat crine Cupidinem.
Cur admittitur osculis
 Quidquid turpè , loqui nescia , patrie
Balbutit soboles sinu?
 Cur torpet scuticæ muta necessitas,
Quæ morum teneras nives
 Incusso foveat turbine verberum?
TANCREDINE fuit , fuit
 Spartanis potior matribus indoles ;
Hæ lætentia tetricis
 Delassata flagris pignora vulnerum
Durarunt patientiâ :
 Sed latrare , pudor ; flere , nefas erat :
Quamvis saucula largius
 Flerent sanguineis ilia roribus.

Hinc

Hinc per scuta , per & cava
 Concessum pueris repere buccinas ,
 Jam tum sponse rotantibus
 Vix torquenda rudi spicula brachio.
 Sic novit catulis Lea
 Getulo tonitru inferre ferociam.
 Vivax nobilis ingenū
 Lenta tabe perit , ni colitur , frutex.
 Crebram buxeus Hercules
 Ni falcem subeat , sentiet eripi
 Vernæ luxuriâ comæ
 Octæis Libycum tegmen ab artubus.
 Ferri vulnus eburneis
 Dat signis animam : quæque diu tulit
 Testudo rigidum premi ,
 Captivum sonitu reddet Apollinem :
 O mitem puerilibus
 Cautus figat Amor blanditiis modum !
 Squamis implicitus puer
 Se lunantis hydræ ; forte minus truce
 Lethi duceret aleam ;
 Quam si blanda foret sarcina SIMIÆ.
 Alcon nam fieret parens ,
 Qui spiras jaculo solveret anguibus :
 At matrem metuo , nimis
 Ne blandita ferat SIMIOLO necem.

* * * *

EN-

ENTHUSIASMUS.

Cum in calvam naufragi prope
littus PANORMITANUM
Vates incidisset.

AD SOCIOS.

ODE XV.

A Retamne tellus exitiis viam
Stravit, sodales? an speciosius
Perimus undis? cur relictis
Sylva jugis abiegna Nereum
Prætexit umbrâ? Gemmea si foret
Malea ponto, vel liquido farur
Spumaret Hellepontus auro
Vel fieret modulata phocis
Fragor Capharei, debuerat tamen
Arcere pinus ebrius Æolo
Neptunus, assuetusque Triton
Ære graves hilarare Parcas.
Festas, Decembres inter anheliis,
Olim carinas alta quies diu in
Portu soporavit: nec ullam
Jussit aquis dare vela Pristin;
Ni feriati dux Aries chori,
Missis secundo vere favoniis,

Pacasset æquor. Nunc liburnas
 Per mediam iuvat ire brumam.
 Frustra Vesevo littora clauderet
 Vicina Doris vel stygis alveo:
 Ultro per objectum frequentes
 Irruerent Phlegetonta puppes.
 Quos non avaræ mercis amor sacros
 Irritat ignes? si tumidâ vehi
 Liceret undâ, nos amicis
 Sponte suâ genuisset aptos
 Natura squamis. Quod vetuit, tamca
 Conamur, ipsa vindice: cui satis
 Est fulciendæ quidquid altis
 Fudit humus proavita fulcis.
 Natalis omnes forte piget soli,
 Tellusque sordet? me duce tutius
 Findamus æquor. Nant corusco
 Astra salo, rutilisque serpunt
 Crystalla spumis: mollè smaragdinuas
 Illic flagellant littus Etesia,
 Pictaque luctantur procella
 Squamigeri fluitare lusus.
 Lunare dorsum suetus Arioni
 Delphin reclini nos numero vocat.
 Docetque sublimes periclis
 Per superas equitare syrtes.
 In vincla torquet nautica lucidos
 Astræa crines, queis trahat igneam
 Post terga proram. quâ corusco
 Illa secat maria alta rostro /

Scintillat humor nec pretiosius

E fabulosa Colchide flagitat

Auferre tergus : nempe fulvum

Ipsa suum sibi vellus Argo est.

Datura flammis carbasa. Fulgidis

Illic balænae naribus æstuant,

Turæ ruinis per latentum

Crysolithos scopulorum acutos.

Nam tacta cautes gemmea belluis

Mollefcit ultro ; seque liquentibus

Recludit electris , in udas

Mox iterum solidanda gemmas.

Est & venustis Erigone genis

Pudica Siren. Thracia Pleiadas

Testudo compellit marinos

Nereidum simulare saltus.

Illic propinquum Sirius annuit

Scyllæ latratum. Cornua credimus

Taurina , quæ curvantur auro.

Et radiis tumefacta pulchram

Turgent in iram : recta tuentibus

Sunt picta curvi littora Bosphori ;

Quæ cancer errat ludibundis

Per Theridos frera fulva chelis.

Cur Hydra fertur , quæ natat igneis

Muræna lymphis ? cur olor , aut Jovis

Jactatur Ales , quæ per algam

Ceu Fulica insidiatur altris ?

Quot , ni profundi crassius aëris

Obstet veterum , vividus insulas

Potarèt obtutus , vagoque
 Cycladas ex adamante structas
 Rapi choreis , ad crepitum lyræ
 Ludente lymphâ ; quò propior suam
 Phaselon appellit Voluptas,
 Astrigeris dominata phocis?
 Adhuc moramur cominus auream
 Sulcare votis Dorida navitæ?
 Solvamus alnum ; nec profanas
 Ulterius feriamus undas.
 Valetè Phorcî regna curulibus
 Lustrata squamis. Tollimur arduas
 Enavigaturi procellas :
 Jam facilis favet aura votis.
 Jam jamque lucis marmora verrimus.
 Sed cymba fractum sponte tulit latus.
 O mergar hoc , Divi , periclo!
 Si dabitur periisse , vivam.

PROTEUS CYPRIUS.

Sive,

Multiplices Cupidinis fallaciæ , à
 quibus FULVIUM ROSAM,
 Parthenium adolescentem Vates
 absterret.

O D E XVI.

Bibit audax Cythereæ Puer Ales,
 ROSA, PROTEUM; simul hausit genitricis
 Face

Face vires , nocituro jaculantes Paphon
arcu.

Ruit ille è Jovis altâ pugil Idâ,
Cataphractus rotat hastam. Fuge cauto
Pede bellum , patefecit generosum fuga
Parthum,

Nec ahenis spoliatus puer armis
Minus est perniciosus : nocet umbrâ,
Nocet aurâ , velut Afram basiliscus pec
arenam.

Catus idem pharetratus fieri auceps
Linit ingens nemus Hyblâ. Fuge viscum,
Latet hic insidiantum fabra fraus illece-
brarum.

Modo vox est philomelæ , modo blandâ
Prece Siren. Sitientes cito claudas
Vigil aures : vocat ipso modulatu Libi-
tinam.

Viden illum ? Secat Euros , & ab astris
Tonat usque , & pluviali fluit auro.
Cave rorem : sterilefcit rubicundo hoc
humus imbri.

Ubicunque est simulato vagus ore ,
Erycina fatus alvo , fugiendum :
Capit auro , prece suadet , dominatur pū-
gilatu.

* * *

I

DA-

DAVIDIS LYRA.

*Sive,*De Ultronis contemptu Carmen
Paraneticon.

O D E X V I I .

SUadeo mergas , Citharæde , ponte

Docta paulatim modulante nervo

Plectra Pellæas furiare torva

Gorgone fibras.

Gratius nostris Solymæa curis

Buxus arridet. Domat æstuantem

Illa Cissiden , tumidisque mulcet

Sibila spiris.

Magna conabor : licet ipse fictus

Sim luro Vates , animavit æstro

Barbiton Phœbus , numerisque blandum iu-

fudit Hymetton.

Ergo per celsos elephas rudentes

Iustus incedit , famulæque tigres

Essedo parent ; sibi nemo pulchras

Arctat habenas ?

Urfa , quæ mites rapit ad monauli

Næniæm rictus , choreasque plaudit,

Inrepat quotquot gerimus profanis

Faucibus hydras.

Arguit stultos , timidofque præceps

Ira : contemnit leo feriato

Felle

Felle larratus. Pelago laceffit
Spuma cachinnos.

Socrates atro stimulat' igni
Abstinet flagris. Riguisse fas est
Nesciam sese cohibere turpi
Verbere dextram.

Non apes tantum percunt cruento,
Quo ruunt, rostro, violenter acta
Bruscendam repetunt eandem

Tela pharetram.
Flammæcum venis quod alit Vesëvus
Sulphur, excelsum minuit cacumen.
Se premit, quævis rotat in sagittas
Bellua spinas.

Hinc jugum victo positum Garumnæ,
Et triumphato pedicas Canopo
Cantus injecit sibi Cæsar, acrem
Mitis in hostem.

Phocion jam jam facili cicutam
Ore poturus, vetuisse fertur
Vindices iras, & iniusta nato
Signa doloris.

Ferveat raucâ muliebre rixâ
Pectus, & mollis puer in tenacem
Lapsus argillam quatit protervo
Calce periculum.

Dedecet curvo metuendus unguis
Vultur Heroes. Fodit usque fibras,
Et cicatricem refricat vetustis
Ultio probris.

Quæ Clytū stravit gravis hasta , regi
 Fert Alexandro lacrymas , & ingens
 Tædium vitæ : siquidem cruento in
 Vulnere vulnus

Gloriæ sensit. Glaciare bilem
 Reddidit magnos. Animosa regum
 Dextra non ferro tonat , at liquenti
 Depluit auro.

Sæpe conceptis tumuere larvis
 Mobiles æstus , stomachique fluctus:
 Sic recedentem violenta surgit
 Aspis ad umbram:

Sic rubens taurum color , & leones
 Mappa proritat. Pudeat ferarum
 More surgentem furialis iræ at-
 tollere molem.

Hæc Thyesteas epulas trecentis
 Vallat Harpyis ; juguloque fratrum
 Tristis insultat , Pyladique notum
 Vellit Orestem.

Hæc solo magnas simul æquat urbes:
 Sævitur in glebas crepitante rastro,
 Et suos figit , fatiatque presso
 Vomere molisus.

O quis inflatum jecur , & furentem
 Leniat , me sic modulante , tedam !
 Hic PALESTINI mihi VATIS auspi-
 catur honorem.

**ANTRUM TROPHONII
EXCANTATUM.**
Sive,

Lætus Animus.

AD HILARIUM LÆTAVALLEM.

O D E XVIII.

AUT rugas, HILARI, demte supercillit
Aut nomen piceâ dilue sepiâ ;
Si nolis tacito prætereuntium

Exallescere sibilo.

Corvo distat olor : turpè Laonicam
Fert dorso trabeam simia : fulgidis,
Irridentur equi Ditis Alastores,

Si comantur ephippiis.

Quod votis facile est, quodque magis decet,
Incurvata genis nubila candidæ
Risu lucis agas ; quò fluat intimæ

Largus lætitiæ dies.

Urbanæ refugit cultus adoreæ,
Vulgatumque sophos tristitiæ jugo
Submississe togam. Pellitur omnibus
Heraclitus ab exedris.

Quòd, visa veluti Gorgone, fordidam
Pavit perpetuis Pallada lacrymis ;
Cupressuque regi tempora maluit,

Quam densâ plantani comâ.

I ;

O quis

O quis Democrito rege , TROPHONII
 Excantet caveam ! Mergite lacteis
 Venis astra rotas , & terrici specus

Fuscis tangite pumices.

Cur vivax animi torpeat indoles
 Tristi victa situ ? Cur hilares fibras,
 Et vultus hilarem quælibet arceat

Vis arcana modestiam ?

At non sulphureas illa Typhoëos
 Fumosi nebulas , nec piceum gelu,
 Quod sensim Calabro cortice truditur.

Porrecto jugulo bibit.

Quamvis mens luteum sentiat obijcem,
 Nil servile paver : fertur anhelitu
 Plus quam Pegaseo , si cieat suas

Libertatis Etetias.

Hinc sese famulam vindicat omnibus
 Fortunæ pedicis , queis fatuos metus,
 Arumnaque graves urget , & aliter

Frœnat casibus aleam.

Cui fraus innocuis exulat illis,
 Quos luctus metuat ? nubibus hispidis
 Componet lepidum fœdus , & auream

Vultu deteget iridem.

Postet turbineis otia præliis,
 Funestis liquidum nectar ab imbribus,
 Strictâque Orionis cuspide gemmeam
 Flavio fulgure grandinem.

Hæc discas HILARI , teque recentibus
 Assarum radiis plumeus ingent

Cælo sistat honos. Sic tetricæ domus
 Execrabere compedes.

O P A R V U M.

Sive,

IMMENSUM DEI NUMEN
 EXINANITUM.

Humanæ felicitatis CENTRUM.

AD THELESPHORUM MARULLUM.

O D E XIX.

QUocunque telum missilis ingenti,
 MARULLE, torques; seu ferias polum,
 Pontique, terrarumque tractus,
 Seu vacuos super astra fines;
 Occurret ingens infula Numinis.
 Captare velles, quod facile est, tuâ
 Tactum pharetrâ, sed colorum
 Quis sit honos, & imago prædæ,
 Quamvis acuto lumine Lynceus,
 Nusquam videbis. Divite fulgurum
 Hebescet obtutus procellâ
 Saucius, impatiensque fies
 Ter evibrati noctua Cynthij.
 Venare parvum Virginis incolam
 Alvi Tonantem; quo laboras
 Possè frui, potiere voto

Hic ille princeps ALPHA, THELESPHORE
 Idemque rerum circulus, OMEGA,
 Se claudit in mortalitatis
 Exiguum, teretemque gyrum.
 Mox parvus infans in paleis, specum
 Plorare suavit fata tricuspides
 Sensura clavos; donec olim
 Triticeum peraravit orbem.
 Vivi Character Numinis. Aureus
 Amoris hic est anulus, anulus
 Pio recurvandus Sacerdotum
 Imperio, Latioque ritu.
 Quodcunque posces, uberior sacræ
 Felicitatis vena dabit. Deus
 Hic explet ad nutus clientum,
 Quæ cupido jaculantur arcu.
 Inauspicatum theta reus timēs,
 Demique velles vincula brachiis?
 Tribunal offendes decorâ
 Textum oleâ, viridique lauru.
 Ne sis egeno deterior Codro,
 Fit dives ostro stamen, & igneo
 Pyropus auro: ne Gradivus
 Pila rotet, tibi ridet Iris.
 Venaris arcu? Nazareus Leo,
 Idemque fulvi velleris Hinnulus
 Occurret, aut gaudens pudicâ
 Rhinoceros solymæus umbrâ.
 Arridet altum Nerea scirpeis
 Yallare nassis? Cedet in aureos

Fluctus Erythræ , qui nivosis
 Stagna ferant opulenta baccis.
 Cum latrat alvus , Ros tibi defluet ,
 Proteus saporum : sive jecur velis
 Assum filuri ; sive pastum
 Vellus Hyblæ ; Vitulumve matris
 Vulsam papillâ ; seu Salomonias
 Quotquot coërcet cœna paropsides ,
 Seu quotquot Assueri palato
 Bella ciet pretiosa nidor ,
 Siticulosas ignea polluit
 Si crusta fauces ; Botrus erit Cypri ;
 Aut lac propinatura Tellus ,
 Et liquidum sine face mulsam
 Longæ recusas aspera perpeti
 Crystalla brumæ ? Veris Etesias
 Spirabit , Aprilemque ducet
 Nazareo satus igne Taurus.
 Quod si supinæ parcus inertia ,
 Contaminatam spernis humum ? fugax
 Evadet Ales , qui laceffat
 Ad volucres tua crura nisus :
 Aut axe fulvo Rheda , curulibus
 Instructa flammis ; quod citius queas
 Sublimè luctari videndus
 Astrigeræ novus hospes aula ,
 Hanc ergo tantum vel tenuissimam ,
MARULLE , quæras discere Litteram :
 Lauri coronabis laborem , &
 Vota piis animata tedis .

TACTUS SENILIS ARTERIÆ

Sive,

Nimia in senibus vivendi cupiditas
deprehensa.

AD TARQUINIUM CELESTINUM,

O D E XX.

Affines tumulo dies,
Et frontis vetulæ canitiem suis
Constanter præcuntibus
Sensim dilacerant fata doloribus.
Nos putris senij tamen,
Proh pinguem fatuâ labe licentiam!
Augemus mala, nequiquam
Expugnanda solo; quæ tulit aureo
Lotus fumine rex Midas,
Aggestisque redux cura pecunijs.
Num sulcos steriles genis
Fœcundat rutili sacra Tagi fames?
Num guttata Carystio,
Aut Pelusiaco fulta domus gelu
Tardat funeris orbitam;
Vel priscae revocat lustra pueritiæ?
Si proni capitis nives
Nos curvant tumulo, non secus ac chalybe
Cei-

Celsas deprimit ilices,
 Cur æquamus Atho, vel Pholoes jugo
 Laxum Mygdoniæ sitis,
 Quam livor piceo gutture polluat?
 Heu quis fortiter occupat,
 Enervæque quatit morbus atrox senes?
 Exploremus idoneas
 Venarum latebras. Me Podalirius,
 Phœbi numine turgidus,
 Præfecit senij febribus arbitrum.
 Nec suffragia Pœonum,
 Vel qui pergameæ legibus exedræ
 Norunt plaudere, dissident.
 Lambit libra suo pollicis osculo
 Nunquam fallere callidum,
 Qui nunc languidulo prodit anhelitu
 Lethi oblivîa spiritus;
 Et quæ nunc celeri mobilis impetu
 Promit sollicitam sitim
 Etatis Pylææ vena, nocentium
 Index vena cupidinum.
 Proh quàm dira nimis palpitat anxius
 Tabes in senibus! bibit
 Seræ lucis amor finitimam Stygem,
 Umbrarum assiduus comes;
 Quamvis nil paveat, quam recubantium
 Limen tangere Manium,
 Et fessam tumulo reddere sarcinam.
 Morem nosce tamen senum.
 Quo plus bruma pigro vertice canuit,

Plus tentatur adulteris
 Frustra cæsarie roribus illitâ,
 Fati ludier alea.
 Sed mentita nigrum canities caput
 Haud faller Lachesium : comæ
 Fucatae tenebras Parca supervolat.
 O' quisquis senij nives
 Gaudes Halcyonum credere solibus,
 Jam tunc secula Nestorum,
 Et vitæ quærulam negligè nœniam.
 Non lapsura lucraberis
 Divûm fidereis otia finibus,
 Si vivacius ultimo
 Pallefces cineri : cùm tumuli memor
 Spes, & vota cupressino
 Adstringes feretro. naufragus ut suam
 Uncis navita morsibus
 In portu reducem nexuit anchoram.

CAPITOLIUM TACTUM
 FULMINE.

Sive,

Fortunæ sese turpiter efferentis fastus
 plerumque dejectus, pro-
 fligatusque.

O D E XXI.

A Udistsis? ohe? Quis fragor horridus
 E nube lapsus mugit, & vago

Tri-

Trifculus igni deflagrantem
 Secum hyemem, volucresque secum
 Volvit ruinas? sit genibus minor;
 Ni se minorem vertice lugeat,
 Tarpeia rupes. est Pronoea,
 Quod tonuit modo fulmen, ira
 Velox ad inum vertere cardinem
 Potentiorum culmina, gemmeis
 Illusa monstris; & tumentes
 Regum apices, trabeâque dîtes
 Nudare fastus. Marcida Romulis
 Ruunt theatris Stemmata Tarquinî;
 Postquam superbis Vaticanam
 Imperiis remefecit aulam.
 Fumat cruentis icta bipennibus
 Eminentium laurea Cæsarum
 Calcare nimbos, & supernis
 Cœlitum dare jura valvis.
 Neroniano qui CAPITOLIUM
 Scandit cothurno, funereas ager
 Vices tragœdi, mox futurus
 Fabula ludibriumque vulgi
 Librantis æquo sibila calculo
 Insanientes plurima deprimit
 Vertigo conatus. nec atræ
 Frons eadem est, & imago scena.
 In luctuosum sæpe recluditur
 Repente præceps regia carcerem.
 Ruitque, & hostiles adorat
 Deciduum diadema plantas.

Rubiginosis haud semel osculum
 Dedere regum scepra signonibus;
 Strinxitque ahenâ falce culmos
 Sucta manus secuisse palmas.
 Torquata cristis versicoloribus
 Fortuna plures educat Icaros;
 Ut fulva stellarum theatra
 Degeneres petiere fastus.
 Immota perstat, nec revolubili
 Rotanda fati turbine, quæ memor
 Eduxit effultos profundo
 Aula suos adamante postes,
 Parvoque fascis vimine nexuit,
 Nec spreuit alas demere plausibus;
 Si forte palpa tum susurro
 Plus nimio placuere plausus.
 Imâ trabales Gloria cuspides
 In æde fixit. Præsciis ut suam
 Momordit osculatus umbram,
 Imperium Latiale fulsit
 Brutus lacertis. Rex figulo satus
 Poscit patellis fistilibus dapes:
 Rudemque Pimislaus lacernam
 Finitimo sociavit ostro.
 Rex esse novit, qui luteum dedit
 Curis soporem. Pavo superbiam
 Enervat, ut plumâ carentes
 Forte suos videt ille gressus.

ARCHI-

ARCHIMEDES
CHRISTIANUS

In sui pulveris meditatione
assiduus.

AD VALERIUM STELLAM,
Siculum Geometram.

O D E XXII.

Meritis Valeri, cum Babylonis
Pallefcas numeris, quidquid Atlantico,
Et quidquid fabuli fyrribus Africis
Pæno vapulat Æolo.

Incertum solidæ laudis opus paras,
Si quantus cinis es, quem modo fulciat,
Inclusus iuteo margine spiritus,
Ulnâ deside negligis.

Semet nosse dedit quemque Geometram,
Archytamque sui. Non Siculo minor
Euclide est, digiti cuspide qui legat
Incisas tumulo notas.

Solertes Phariis scire decempedis,
Vel quot sunt atomi, cedite Clavii.
Est languentis humi linea corporis,
Nostri littoris angulus,

Quò.

Quò præceps tumidæ spuma superbæ
 Vectigal properat ; seu fluitantia
 Poscat nobilium stemmata Cæsarum ;
 Seu vilis petasum Codri :

Quamvis ambiguo lumine nescias,
 Quæ major fuerit , quæve minor freto
 Festinata Thetis : dissimilis tumor

Æquo frangitur impetu.
 Frustra post epulas nos Eratosthenem
 Mentimur , quoties dividimus mero
 Arces , quæque ferunt proxima cæulis
 Urbes oscula nubibus.

Pulvis dejiciet. ferius , ocyus ;
 Dilapsas feriet vomere villicus.
 Æternum nihil est : nos quoque ferreis
 Sternunt fata bipennibus.

Ictum nemo tamen , nemo perhorreat,
 Qui se finitima composuit pyrâ.

Ut non parva suis commoda civibus
 Exinctus pareret Solon ,
 Spargi per Cypriam iussit humum pios
 Combusti cineres funeris. æmulus

Tanti, STELLA ; viri es. non alio tuum
 Mergas pulvere verticem,

):(o):(

MÆNOMENON.

Sive,

Mel Ponticum, adigens ad
insaniam.

Ex Plin. lib. 21. cap. 13.

Symbolum Voluptatis.

AD PAMPHILUM PALMAM.

ODE XXIII.

Inauspicatum è flore suo legit
Nectar Voluptas, seu juvenilibus
Pubescat annis, seu nivalem
Polluat horridiore luxu

Brumam senectæ: num fata Ponticis
Est illa pratis, Pamphile, cum semel
Admissa vix possint trecentis
Anticyris sua mella solvi?

Fit hausta venis dulce malum, tenax
Fuligo mentis, spuma veneficis
Sudara labris, & pudoris
Innocui furiale virus.

Hac face potâ, Numinis immemor
Dat thura fœdis rex Salomon focus
Nec spernit Alcides superbâ,

Quâ tumidam tremefecit hydram,
Nelluma

Nesumque fregit lanigeram colum
Tractare dextra. Quantus adulteræ

Post furta descendens tumultus

Iliacas quarefecit arces ;

Heu fune Phillis, Laomedontio

Elisa ferro concidit, Iphias

Exulta flammis, seque Sappho

Leucadiâ jugulavit undâ.

Cur poenitentiam, PALMA, sitis Hyblam ?

Fellis medelam respuis ? ungito

Hoc rore palpebras, videbis

Quam cerebro ferat illa cladem.

LAURUS INAURATA

potius quàm decussa
fulminibus.

Sive,

SS. HEROUM PRO CHRSTI FIDE
obeuntium Patientia, inter
cruciatus conspicua.

O D E XXIV.

QUALIS, canitiè acclinâtibus Ismarî pruinis,
Cerauniisque frondeum cacumen,
Cum tonat Orion Jovis æmulus, igneâq; Cælo
Latè coruscat fulminum procellam,

Im-

Impavidum in sylvis caput erigit, excipitque
LAURUS

Tonantis iræ missilem Typhoëum,
Et formidandæ facis allicit, ac precatur aurum,
Suis renodet frondibus monile:

Talis inoffensas cruciatibus hinc, & inde
palmas

Audax ahenas perpeti secures, [mis
Aggestalque cruces vis educat Orthodoxa tur-
Sui cruoris imbre purpuratis.

Ipsa Quirinales Patientia terruit bipennes,
Justitque in aurum palluisse ferrum,
Quò sibi constaret flaventibus infulis coronam,
Lætumque pœnis posceret tributum.

Vidimus è caveis nigrantibus exilire nubera
Veris corusci, fulgurumque nimbos:

Nec minus aut pluvio silicum ferientium rotatu
Rubere gemmis nexilem tiam;

Aut fluere horrificis auras Zepheritides caminis,
Potâque rores Atticos cicutâ.

Quis didicisse feras à tot patientiæ magistris
Perferre ventris censeat latratum?

Aut tigres blandis amplexibus, osculoque
Divum

Intraminatas obsidere furas?

His equidem nunquam spectacula vidit Ex-
quilinis

Majora pulvis Martius theatris.
Sponte sua docilis mollire ferociam, pepercit,
Quandoque cuspis imperare vulnus,

Do-

Donec multiplices furiae satellites in ictus
 Novis Medusa coeret chelydris.
 Vix lassis plerumque bipennibus amputata
 cervix

Imos momordit osculo novales,
 Cùm tellus festinavit generosius relectis
 Fudisse fontem lacteum papillis.
 Nec sua Neptuno vis defuit obsequentis undæ,
 Aut iussus Euris, ætherive plausus,
 Vidimus HEROUM ad cineres, & inobru-
 rum cadaver

Fido volucres excubare rostro;
 Et circumfusus tumulum superintegi favillis;
 Curvante Cælo Pleiadum choreas.
 Nec semel aut ponto suspeximus enatare funus
 Nexâ cruentis anchorâ lacertis;
 Aut exturbatis utrinque furentibus procellis,
 Cessisse retro Nereos tridentem;
 Et niveum mediis in fluctibus erigi trophæum,
 Quod sæpe saltu mugiles coronent.
 Frustra terrificis tonuit Nero dirus officinis,
 Suisque raptus Julianus hydri.
 Vicit vincla, rotas, hastilia plumbeosque fustes,
 Pinguesque Virtus Vaticana tedas.
 Cui non palloris vel gutta, vel horridus profano
 Metu serenum polluit capillus.
 Ausa suos vitæ dispendia contudisse fletus
 Bibere factum gaudiis Hymetton.
 Nam quæ purpureis solatia naviganda Divis
 Dedit rubentis alveus cruoris?

Quas

Quas non ille tulit ripâ locupletiore palmas,
 Mitrasque centum textiles pyropis?
 Inconcussa Fides per Fulmina sævientis iræ,
 Per & sequaces funerum ruinas,
 Attollit Latiis Capitolia digniora clivis,
 Vel infularis Laureata pœnis.

IGNIS EXAMEN
 Pro incontaminato Divinæ Ge-
 nitricis Conceptu.

Juxta illud Psal. 16.

igne me examinasti, & non est in
 me inventa iniquitas.

AD REGINAM VIRGINEM.

O D E XXV.

Integrum vitæ, niveique cultum
 Ingeni solum patefecit olim
 Prisca lex IGNI, siquidem rubenti
 Curia ferro;

Ne reos inter numerares, explo-
 rabat infontes! etiam corusco
 Siderum dorso bene fulcientum
 Atria Divûm

IGNEA surgit trutinâ tribunal,
 IGNEO vivunt adamante leges,

Et

Et flagrant IGNEI trabecata per sub-
sellia cœtus.

Erubescendos tulit huc priores
Quisque vagitus, piceosque soles:
Quos profanatâ pueri parentum
Duximus alvo.

Nulla lanugo sine fraude vernis
Floruit malis: paliurus igni
Aptus erupit, fatuâque texit
Fronde juventam.

Quin & hærentes senio pruinas
Ater infecit Boreas, ab imis
Excitus fibris: nihil heu decoram
Educat umbram.

Ergo quodcunque est vitii, vel ipsis
Inlitum cunis, patet ad severum
IGNIS EXAMEN; patet & fidelis
Vena metalli.

Fallor? an velox salit in stateram
Diva quæ pulchras adolevit inter
Numinis flammâs? procul o profani!
Flectite gressus.

Omnis immunem vitii Virago
Extulit frontem. bibit illa puræ
Lucis afflatum; radiosque, & aurei
Fulgura solis,

Ante quàm Titan tenero jugalem
Defatigaret Pyroënta morsu:
Ante quàm nossent vaga vagientes
Astra choreas.

Cæulis nondum volitabat undis
 Pinus, at Virgo pretiosioris
 Divitem mercis religarat ultra
 Nubila proram.

Hinc, & hinc fufis redimita clivis
 Montium nondum viruiffe tellus
 Cœperat; facris tamen illa festi-
 nabat in hortis.

Aut Idumæam simulare Palmam,
 Aut Cedri intonos agitare fastus,
 Cui volaturos solymæa peccat
 Aura capillos.

Ante quàm Chloris strueret nivalem
 Liliis pompam, niveus Tonanti
 Flos delifcebat. glacialis ante
 Quàm foret humor,
 Densa cryftallus; folidumque, & expers
 Labis affulfit Speculum; quod omnes
 Redderet rerum fimul absolutâ i-
 magine formas.

Floreos illi finuarat arcus
 Iris, adversam prius imminente
 Quàm coloraret radioque & igni
 Delius umbram.

Flammeos nondum crepitus Vefevi
 Senferat tellus; tamen arfit infans
 Virgo, quæ visa est Rubus, innocentis
 Præda favillæ.

Tunc inoffensam maculâ puellam
 Candidâ vifum rapuiffe bigâ,

Et triumphales iterasse plausus

Numen Amoris;

Qui Patris Natam, Sobolisque Matrem,

Et Paracleti sine labe sponsam

Censuit Divam, geminisque stravit

Sidera plantis.

MONOMACHIÆ
GENIUS
INGLORIIS AVATE
notis iniustus.

ODE XXVI.

FAtale quodnam dedecus arguit

Durata ferro secula, ni decus

Ferro petatum? pro pudendas,

Ne solidâ sine labe leges

Exasperatâ quas Styge censuit

Pluton, cruentâ tabe ferociæ

Turpè exarandas, quò profanis

Imprimeret nova monstra praelis!

Aniciani stemmata sanguinis

Custodit hirtis Ultio palpebris

Non pulchra Virtus, non decoris

Mens animi pharetrata curis.

Quin illa magnis veilit ab atris

Avita quotquot molle supercili

Pondus, Dynastarumque spirant

Ingenuos simulacra vultus.

Imâ-

Imago torvum quæ rigeat , placet :
Quique amputatis fert topiariis ,
Mentitus horrorem Medusæ,
Frondisfluam Caracalla pugnam.
At in virentes tutius irides
Curvaret arbor tonsa superbiam :
Ne discat insanire Martis
Effige cataphracta buxus.
Nos ludit æther , cum rotat igneam
In atra sicam fulgor Orionis ;
Aut Sol , coruscant pervicaces
In nebulas ubi torquet hastam.
Natura nunquam credita turpiter
Peccasse ; quamvis in Lacedæmonum
Nudo laborasset sarissam
Artificem simulare tergo ;
Aut Castrioti fingere Dædalum
Ensem lacertis. Splendidus incubat
Furor medullis , cui reservat
Molle manus generosa ferrum.
Mirescit ultro lancea lacteis
Impressa cunis. Ira domesticas
Quæ fregit , allisitque spiras,
Haud sterilem sibi quarit hostem ;
Nec laurus etsi Pontica misceat
Sensim coortis prælia jurgiis,
Honoris obsidebit aram
Belligeris operata votis.
Ranas loquaces negliget , & suos
Pacabit æstus ; quos ubi patriæ

Tutela deposcet , libenter
 In Geticos glomerabit arcus.
 Uxor^{is} olim Niliacæ virum
 Non absque plausu reppulit impiis
 Cæsar laceffit^{us} tabellis.
 Sic pamilos pepulisse fertur
 Formidolosæ naris anhelitu
 Prædator Orci , claviger Hercules.
 At nunc ineptus concitatis
 Quisque suis famulatur hydri^s;
 Hostique nescit non inamabili
 Despectiõnis lege proterviam
 Prorsus serenare , & Megæram
 Æthereis cohibere philtis.
 Num , ni litetur sanguine strenuis
 Ceris avorum , decideret aridâ
 E fronte majestas ? Peremptum
 Ni videat Gladiator hostem,
 Non ulla sese Gloria candidis
 Feret quadrigis ? Heu temerarium ,
 Ferroque collectum furorem
 Compositis prohibete rixis.
 Sit fraudis expers , quæ Nemesis diis
 Exulceratum bile premit jecur.
 Quicumque delinivit hostem
 Ille suo metit ense palmas.



IRIS SANGUINEA

Ut olim Anno 1604. visa Strigonij.
 Ex Chronologica P. Theophili
 Rayn. Soc. JESU tabula.

CHRISTI PATIENTIS
 Symbolum.

O D E XXVII.

CUR non hiuleis mugiat iliis
 Succussa tellus, & piceum Phlegon
 Propellat axem? Cur querelis
 Abstineat tremefactus æther;
 Si, quæ Tonantis circuit infulam,
IRIS cruento vulnere decolor
 Sublimè, suspendat dolorum
 Iliadem, lacerumque funus?
 Pro nube, clavis fixa trabalibus
 Quercu pependit; pro radiis, rubos
 Admisit, & trinam colorum
 Temperiem rubefecit ostro.
 Curvum reclini vertice, quòd potest,
 Designat arcum; quem generosius
 Lunaret amplexura, morsus
 Ni chalybum vetuissèt, orbem.
 Pinxit supremas hinc moriens suas
 Amor columnas, cui bene contigit

Inter Palæstinos dolores
 Non humilem tetigitlè metam.
 Dixitque , fulvos cùm peteret lares,
 Præfagus Ales ; cui speciosius
 Curvabat hæc IRIS lacertos
 Nazareis radiata plagis.
 Ut purpuratam nuper in IRIDEM
 Flexi Tonantem ; nubila gratius
 Nuplère terris , nec laborant
 Fulmineis hyemare nimbis.
 Æterna spirant classica vivido
 Clangore pacem : spicula liliis,
 Lauruque Rhamnufis coronat ;
 Dite graves iterante fletus.
 Hoc sub trophæo fert hilares minax
 Fortuna lufus. Fata metunt rofas,
 Vifoque vexillo salutis
 Feflå cubat Libitina dumis.
 At hinc eundum eft : fanguineo pedem
 Figamus oftro. Me duce , lacteum
 Spernatur à tergo ferenum
 Purpureus fecat aftra limes.



VATICINATIO
 CHIROMANTICA,
 INFANTIDEO SACRA.

Carmen ex Italico Latine versum,

In gratiam HYACINTHI FER-
 NANDII, qui illud musicis
 modulis expressum
 concinuerat.

O D E XXVIII.

TRANS Idumen, & coruscum
 Limen Euri, Vagientem
 Forte brachiis Tonantem
 Diva fulciens remotos
 Ibat Austros; quæ Canopus
 Mollientis arva Nili funerat superbiam.
 Vix eo fulvus auro
 Phœbus igneâ rigarat
 Terga montium procellâ,
 Cum paternis exulanti
 E penatibus parenti
 Se per invios recessus ANNA Vates obtulit.
 Heu furentis arma regis
 Diva fugerat, propinqui

K ;

Tusa

Tuta pallio mariti.
 Pignus interim premebat
 Mille ludis osculorum,
 Mille vindicans ab irâ frigorum suspiriis.
 Ut seniles in puellum
 ANNA palpebras retorfit,
 Hausit inclyti furoris
 Triste flamen : quo Tonantis
 Fata fleret. Inde pronas
 Matris aures hoc momordit carminum præ-
 sagio.

Astra sospitent Amores,
 Quos in ulnis feriatos
 Diva servas. Quâ reclinem
 Ille verticem soporat
 Gleba purpuret rosetis :
 Quâque figit ille gressus, gramen auro pallear.
 Mollicellam, Dive, dextram
 Tende Vati (lacrymosis
 Mens inhorruit Camœnis,
 Voxque deficit sub ipsum
 Linen eloqui) pusillam
 Tende dextram, cuspidato fauciandâ spiculo.
 Qui tenerrimam volarum
 Sulcus aream pererrat,
 Dividitque longioris
 Summa lineæ minaces
 Signat arboris lacertos,
 Qua tricuspidis metalli fixus unco pendeas.
 Heu venustulis rubescit

Gutta pertinax ocellis,
 Turgidumque parva conflar
 Palma fidus. En latentum
 Tristis Ilias dolorum,

Quam Comeres delicatâ pinxit alvo pollicis.
 Fraude perfidi sodalis,
 Pœnitendo distrahêris
 Ere, fabulam daturus
 Perduellium cachinnis
 Mox subibis hostis iram,

Intonatâ sævientum sub procellâ verberum.
 Astra crinibus recedent;
 Proque siderum tiaris,
 Hinc, & hinc figet cruentos
 Turba vepres, & genarum
 Molle vellus ut revellet;

Fulgur oris expuentum nimbus arte obruet.
 Ludibundo comptus ostro,
 Vile sceptrum, rusticique
 Sortiere regis omen.
 Plebis interim protervam
 Mutus audies loquelam;

Execratis fige regem, fige quercus brachiis.
 Pars aheneos recudet
 Inde clavos: pars trabale
 Ponderus imponet lacertis
 Vix ferentibus laborem.
 Ut jubatos inter unguis

Pallet agnus, judicabis mœstus innocentiam,
 Osculaberis timendi

Fata trunci. Mox in altam
 Brigère fixus ornum ;
 Quam rubenti delibutus
 Imbre proluas , & aspros

Post tot exitus dolorû, fronte flexâ lingueas,
 Vix revulsâ lux supremum
 Fundet artubus soporem ;
 Cùm patebit vulneratum
 Pectus hastâ. Tunc nigrantem
 Phœbus induet lacernam ,

Sauciisque fracta tellus mugiet compagibus.
 Hisce carminum querelis,
 Quas profudimus madenti
 Voce lacrymis , supernos
 Diva poscimus penates ,
 Sic tot eximat periclis ,

Parvulumque Numen ingens Patris um-
 bra protegat.
 Ut puelli luctuosum
 Funus audit Virago ,
 Mille cuspidum sagittis
 Sensit infodi medullas.
 Inde fletu vagientem

Profecuta Diva prolem, triste vulnus detegit.
 Hisce pulcher educaris
 Nate fati ? Sed cruentæ
 Si trogœdiæ sacerdos
 Destinatis immolandus
 Quò recludas astra terris ;

Vis Amoris imperabit, non loquela siderum.

LIBER